

मि॒त्रोऽसि॒ वरु॑णोऽसीत्याह । मै॒त्रं वा॒ञ्च॒हः । वा॒रु॒णी
रा॒त्रिः । अ॒हो॒रा॒त्राभ्यामे॒वैनमु॑पावहरति । मि॒त्रोऽसि॒
वरु॑णोऽसीत्याह । मै॒त्रोवै दक्षि॑णः । वा॒रु॒णः स॒व्यः । वै-
श्व॒दे॒व्यामि॑क्षा । स्वमे॒वैनौ भा॒ग॒धेयमु॑पावहरति । सम-
हं वि॒श्वैर्दे॒वरि॑त्याह ॥ १ ॥

वै॒श्व॒दे॒व्यो वै पु॒जाः । ता॒ण्वाद्याः कुरु॑ते । क्ष॒त्रस्य॒ ना-
भि॒रसि॒ क्ष॒त्रस्य॒ योनि॑रसीत्य॒धीवा॒समास्तृ॑णाति स॒यो-
नि॒त्वाय॑ । स्यो॒ना मासी॑द सु॒षदा॒ मासी॑देत्याह । य॒था
य॒जुरे॒वैतत् । मा त्वा हि॑ःसी॒न्मा मा हि॑ःसी॒दित्या॒हा
हि॑ःसा॒यै । निष॑साद धृ॒तव्र॑तो॒वरु॑णः प॒स्त्या स्वा॑साम्रा-
ज्याय सु॒क्रतु॑रित्याह । सा॒म्राज्य॑मे॒वैनः सु॒क्रतुं॑ करोति ।
ब्र॒ह्मा ३ त्वः॑ रा॒जन् ब्र॒ह्मासि॑ स॒विता॑सि स॒त्यस॑व॒इ-
त्याह । स॒वितार॑मे॒वैनः स॒त्यस॑वं करोति ॥ २ ॥

ब्र॒ह्मा ३ त्वः॑ रा॒जन् ब्र॒ह्मासी॑न्द्रोऽसि स॒त्यौजा॑इत्याह ।
इन्द्र॑मे॒वैनः स॒त्यौज॑सं करोति । ब्र॒ह्मा ३ त्वः॑ रा॒जन्
ब्र॒ह्मासि॑ मि॒त्रोऽसि॒ सुशे॑व॒इत्याह । मि॒त्रमे॒वैनः सु॒शेवं॑
करोति । ब्र॒ह्मा ३ त्वः॑ रा॒जन् ब्र॒ह्मासि॑ वरु॑णोऽसि स॒त्य-
ध॒र्मोऽसि॑ । वरु॑णमे॒वैनः स॒त्यध॑र्मा॒णं करो॑ति । स॒वि-
ता॑सि स॒त्यस॑व॒इत्याह । गा॒यत्री॑मे॒वैतेना॑भि॒व्याह॑रति ।